

詩  
說  
考  
略

詩說考畧卷七

海門成 撰左泉著

齊

鷄鳴

尚書  
大傳

古者后夫人將侍君前息燭後舉燭至於房中

釋朝服襲燕服然後入御於君鷄初鳴太師奏鷄鳴  
於陛下然後夫人鳴佩玉於房中告去也然後應門  
擊柝告辟也然後少師告質明於陛下然後夫人入

庭立君出朝

按大傳鄭注奏白也蓋奏事之奏非奏樂之奏  
也或曰三代之遺聲齊人識之傳既云奏雞鳴  
應有其詩因卽以此篇當之者誤也孔疏引大  
傳釋雞鳴曷嘗卽指爲此詩

黃氏  
曰抄

古說皆謂賢妃欲其夫之早起誤以蠅聲爲雞  
聲晦菴云小嘗恐晚聞其似者而以爲真至曹氏始  
謂哀公以雞聲爲蠅也嚴氏宗之云蠅以天將明乃

飛而有聲雞未鳴之前無蠅聲也戴氏云哀公荒淫  
雞鳴矣乃託辭曰此蒼蠅之聲耳東方明矣乃託辭  
曰此月出之光耳一以爲賢妃之言一以爲哀公之  
言未知孰是然讀者且當從古說庶三章之義聯貫  
按此詩自以古說爲是周宣王晏起姜后脫簪  
珥待罪遂勤政事以致中興齊威公好淫樂衛  
姬不聽鄭衛之音楚莊王好田獵樊姬不食鳥  
獸之肉用能佐二君以成霸業蓋夙夜警戒賢

內助之相成理固然也若以爲哀公之言章意  
固不聯貫而於序所謂思賢妃之義亦欠脗合  
至許白雲集傳小變其說以一章爲夫人警戒  
之詞二章爲君拒夫人之詞三章又爲夫人警  
戒之詞要不如皆作賢妃之詞爲直捷

著

呂氏  
詩記

昏禮壻往婦家親迎既奠雁御輪而先歸俟於

門外婦至壻揖婦以入及寢門揖入升自西階齊俗

不親迎故但行婦至壻家之禮俟于著卽昏禮所謂婦至壻揖婦以人之時也俟于庭庭在大門之內牖門之外所謂及寢門揖入之時也俟于堂升階而後至堂所謂升自西階之時也壻道婦入故于著于庭于堂每節皆俟之也

按此詩有兩說直兩相反毛鄭謂陳古以刺今故以俟著俟庭俟堂爲親迎之禮李迂仲黃實夫皆從之朱子從呂氏詩記謂篇內絕無陳古

詩記卷一  
三  
之說故直以俟著俟庭俟堂爲不親迎之証後  
儒從之者較多余以詩序參之但云刺時但云  
時不親迎似詩記之說爲勝

逸齋  
補傳

瓊赤玉也曰華曰瑱曰英皆瓊之色光華瑩澈

用以爲充耳之瑱素也青也黃也皆統之色以垂瑱  
者此男子不親迎者之服雖盛美而不能行禮也

按毛傳云素象瑱瓊華美石士之服也青青玉  
瓊瑩石似玉卿大夫之服也黃黃玉瓊英美石

似玉者人君之服也鄭箋云以素爲充耳謂所以懸瑱者或名爲統尙猶飾也飾之以瓊華者謂懸統之末所謂瑱也青統之青也瓊瑩石色似瓊似瑩也黃統之黃也瓊英猶瓊華也毛分兩句爲兩義而以瓊華瓊瑩瓊英爲佩玉之飾鄭合兩句爲一義而謂瓊華瓊瑩瓊英卽懸統之瑱孫毓駁鄭以申毛孔氏正義駁孫以申鄭後儒皆從鄭箋而逸齋說較明暢故錄之至毛



傳以三章爲士與大夫夫人君之別尤爲衍說空  
鄭王之皆不從也然王氏謂仁以親之義以帥  
之信以成之以充耳之素配義以充耳之青配  
仁以充耳之黃配信則又強作解事異於毛氏  
無幾矣

東方之日

文選注引  
韓詩章句

彼姝者子詩人言所說者顏色美盛若東

方之日也

賦陽本義 東方之日日之初升也蓋言彼妹者子顏色奮

然美盛如日之升也在我室兮履我卽兮者相邀以奔之辭也此述男女淫風但知稱其美色以相誇榮而不顧禮義所謂不能以禮化也下章之義亦然

按序云君臣失道男女淫奔毛鄭遂以日月喻君臣然詩中實無此意如毛氏以日月喻君臣之盛明固於序所謂失道者不合如鄭氏說以日月不明喻君臣之失道則日出東方明最盛

智愚所共見而以爲不明於理尤乖矣惟歐陽  
公以日月喻姝子顏色美盛其說本之韓詩猶  
爲近情神女賦云其始來也耀乎若白日出  
照屋梁其少進也皎若明月舒其光喻意正與  
此同或謂日月皆曰東方昧爽而來初昏而去  
履卽迎之也履發送之也亦通

甫田

劉向  
說苑

晉文公出亡舟之僑從之反國而爵祿之之僑

不與焉夫文公求之不得終身歸甫田之詩

按此事與左傳不合直誤介之推爲舟之僑爾

楊子  
法言

或問治已楊子曰治已以仲尼或曰田甫田者

莠驕驕思遠人者心忉忉曰日有明月有光三年不  
目目視必盲三年不日月精必矇擽埴索塗冥行而  
已矣

按序云刺襄公說詩家遂謂襄公無禮義而求  
諸侯霸業卒以無成歷引春秋傳以証之朱子

序辨云未見其爲襄公之詩故泛指爲戒時人  
厭小務大忽近圖遠者之作范逸齋曰田甫田  
者莠驕驕思遠人者心忉忉楊雄引是詩去四  
字加二字而詩意自明猶孟子引孔子說烝民  
加二故字一必字一也字詩人之肯綮然明白  
聖賢說詩不辭費如此蓋惟不泥於事以求詩  
故能得其意於言外或繫之襄公或不繫之襄  
公固可以不必拘也至說苑所謂誦甫田之詩

特斷章取義耳是以論詩者不可以鑿空而無  
憑亦不可以執一而不化

敝笱

楊氏詩說如雲如雨言從之者衆也許穆夫人思歸唁其

兄許人尤之終以義不得而止若魯桓公剛而有制  
使魯人無肯從者如許人焉則文姜雖欲適齊尙可  
得乎

鄭氏毛詩原解

此詩作於桓公遇害之後故曰爲二國患也

莊公於文姜其子也桓公則其夫也夫爲妻綱如笱制魚子之於母猶曰弗克夫不能制妻則同敝笱耳敝笱刺夫猗嗟刺子序說各有攸當也

按序云齊人惡魯桓公微弱不能防閑文姜使至淫亂爲二國患朱子序辨云桓當作莊劉氏通釋謂桓公十八年不聽申繻之諫必欲與文姜同如齊則姜氏此一行非由桓公不能制而然也及公薨於齊而姜氏返魯莊公嗣位而姜

氏孫于齊未久復返于魯自後姜氏之介齊侯者相望於春秋之策則防閑之說當屬莊公因遂改爲魯莊然毛鄭後說詩家以爲桓公者多矣余嘗論之南山詩鄭箋云襄公之妹魯桓公夫人文姜也襄公素與淫通及嫁公謫之孔氏正義云姦淫之事生於聚居不宜旣嫁始然故知未嫁之前素與淫通也桓六年九月丁卯子同生莊元年公羊傳稱桓公曰同非吾子齊侯



之子也諸家之說蓋以明文姜淫亂非自十八年如齊始且以明如齊之前桓公早知其淫亂耳然則桓公於此時尙不當思所以防閑之而乃與之同如齊乎此齊人所爲惡其微弱也况防閑之道禁於已甚不若禁於未甚序云爲二國患正指十八年如齊之事使桓公能剛以制之不同如齊則拉幹之禍可免而敝笱之詩可以不作矣范氏逸齊以此篇爲文姜之罪狀余

則謂文姜何足道此正桓公之罪狀也

載驅

毛傳發夕自夕發至旦

鄭箋豈弟猶發夕也豈當讀爲闔弟古文尙書以弟爲  
圍圍明也

孔氏正義愷悌之義與發夕不類故讀豈爲闔易稱開物

成務說文云闔開也古文尙書卽今鄭注尙書是也  
無以悌爲圍之字唯洪範稽疑論卜兆有五曰圍注

曰圍者色澤光明蓋古文作悌今文作圍賈逵以今  
文較之定以爲圍故鄭依賈氏所云從定爲圍於古  
文則爲悌故云古文尙書以悌爲圍圍明也上言發  
夕謂初夜卽行此言闔明謂侵明而行與上古文相  
通也釋言云悌發也舍人李巡孫炎郭璞皆云闔  
明發行郭璞又引此詩云齊子悌悌是闔亦爲行之  
義也

按陸氏釋文引韓詩云發旦也故小宛詩云明

發不寐薛夫子王叔師皆訓發爲旦焦氏易林  
云襄送季女至于蕩道齊子旦夕流連久處是  
直以發爲旦也鄭箋於發夕不加釋而謂豈梯  
猶發夕訓曰開明其意蓋亦訓發爲旦非如毛  
傳所云矣

許白雲詩集  
傳名物鈔

汶水有二許氏以爲出琅邪朱虛縣東  
泰山東至安邱入濰桑欽以爲出泰山萊蕪縣原山  
西南入濟曾氏謂入濟者徐州之汶也入濰者青州

之汶也今臨清新開馬之真記汶水東出原山西流  
過萊蕪奉高汶陽之南剛城之北又西至龍山南分  
爲四派其南河至陽城南梁山東滙爲大澤其一過  
壽長北其一經郕亭南其北曰坎河同流至壽張安  
民亭與北濟合比東蒙徂徠之陰岱嶽之陽諸山溪  
澗之水皆潒於汶魯之大川也此蓋專言魯境之汶  
也

按水經注汶水南逕鉅平縣故城東西南流城

東有魯道詩所謂魯道有蕩齊子山歸者也今汶水夾水有文姜臺此爲魯之汶水無疑矣嚴華谷云自魯至齊必渡汶水言文姜渡汶水而來其道路平易衆庶往來而文姜翱翔彷彿無恥甚矣舊說汶水之上蓋有都焉襄公與文姜所會考春秋姜氏會齊侯之地禱也祝邱也防也穀也無會汶之事然則水經注所謂文姜臺殆亦道元附會而爲之說者與

猗嗟

范逸齋補傳

終日射侯不出正分謂其射之有準的也以

皮爲侯畫以爲正三分侯廣正居其一其內皆方二尺射不出正則有準的矣說者謂鵠與正皆禽名鵠卽鴻鵠也一舉千里正鵠之省文也方言齊魯以題肩爲鵠月令征鳥厲疾釋者謂征鳥題肩也齊人謂之擊征或名曰鴈鵠高遠而難中鵠健點而難中故射者取以名其的焉天子五正中朱次白次蒼次黃

元居外諸侯損元黃大夫士又去白以朱絲爲飾侯  
之爲義其說不一射義云天子大射謂之射侯者射  
爲諸侯也射中得爲諸侯射不中不得爲諸侯此一  
說也攷工記祭侯之辭曰惟若寧侯毋或若女不寧  
侯不屬於王所故抗而射女謂命之爲侯而射之者  
示諸侯有不服亦似此誅伐之也此亦一說也或以  
爲史記衛青傳斬胡王漢書以胡爲侯又傳記多讀  
侯作胡爲胡者北戎之總名今射圃必架蕃屋縛藁



爲胡人之狀而射之蓋以其叛服無常服則侯禮待之叛則誅擊之也又取熊虎豹麋鹿豕豢爲飾者亦以其類視之也

按此論正鹄及侯之義於詩本旨無關偶存之以資博覽爾南山敝笥載驅猗嗟四詩皆爲文姜而作聖人錄之固以著齊襄之惡而魯桓莊之醜亦自有不可掩者乃許白雲遂疑敝笥載驅二篇實魯詩聖人諱其惡附之於齊是以魯

無變風則豈詩之篇次直可移易以徇一己之  
私哉雖曰春秋爲內諱不得援彼以例此也王  
夫之詩經稗疏據爾雅姊妹之夫曰甥以釋甥  
字謂猗嗟作於如齊觀社之時指莊娶哀姜而  
言義亦可通

魏

葛屨

逸齊補傳

此詩以四句爲一章七句爲一章上章言夏當

用葛屨冬常用皮屨且霜降則百工宜休今魏之男子穿糾糾繩線之葛屨履霜而不遑休息未嫁之女宜深居幽閒自治女工而魏之女子以摻摻纖弱之手出而爲人縫裳凡以急於趨利也此由魏君之化使然故下章言裳則有要衣則有襪其君之衣裳也遜而辟之必左其君之容止也以象爲掃貴者所用其君之佩飾也衣裳僅備要襪不用狐錦佩飾止言象掃不及珠玉容止惟務左辟不敢當主皆形容魏

君簡素卑折猶爲儉齋之故未可爲譏維其中之稱  
急無德以稱其位是可刺也好人猶言君子詩人以  
衛之莊姜爲碩人以周之賢者爲美人亦此類也

按序云其民機巧趨利故逸齋配入上四句爲  
一章序云其君儉齋稱急而無德以將之故逸  
齋配入下七句爲一章朱子說此詩與逸齋畧  
同但要之轍之二句仍屬上章訓義稍別好人  
謂大人亦不專指君言耳爲毛鄭之說者曰好

人女而未婦爲容好者也服之謂要褌在上可使  
整治之宛然左辟謂婦圭門夫揖以入不敢  
當尊宛然而左辟象掃所以爲飾見威儀如是  
不應使之非禮皆主女言意在連女手縫袷爲  
一義也然末二句忽言刺君則似不相屬而強  
爲牽合矣

汾沮洳

見此  
正義

公路與公行一也以其主君路車謂之公路主

兵車之行列者謂之公行正是一官也宣二年左傳云晉成公立乃宦卿之適以爲公族又宦其餘子亦爲餘子其庶子爲公行趙盾請以括爲公族公許之冬趙盾爲軫車之族是其事也趙盾自以爲庶子讓公族而爲公行言爲軫車之族明公行掌軫車服虔云軫車戎車之倅杜預云公行之官是也其公族則適子爲之掌君宗族成十八年左傳曰晉荀會樂壓韓無忌爲公族大夫使訓卿之子弟恭儉孝弟是公

族主君之同姓故箋云公族主君同姓昭穆是也傳  
有公族餘子公行此有公路公行公族知公路非餘  
子者餘子自掌餘子之政不掌公車不得謂之公路  
明公路卽公行變文以韵句耳此公族公行諸侯之  
官故魏晉有之天子則巾車掌王之五路車僕掌戎  
車之倅周禮六官皆無公族公行之官是天子諸侯  
異禮也

按內傳所載歷歷可據則公路公行公族之爲

官名明矣王氏以公路爲道以公行爲人君之行非也或曰內傳所載皆晉制且汾水又出於晉則此詩爲晉詩矣曰此特蘇氏朱子疑之之辭也班固地里志云魏在晉之南河曲故其詩曰彼汾一曲寘諸河之側鄭氏詩譜云南枕河曲北涉汾水是汾水雖出于晉未嘗不及於魏也閔公元年晉獻公滅魏至宣公二年晉始有公族餘子公行相距五十有四年是此詩所言



皆魏制也且晉自獻公并吞而後其俗漸已荒  
侈此詩刺其君儉勤則作在晉未并以前可知  
也但魏無世家序又不著其時君鄭云葛屨至  
十畝之間爲一君伐檀碩鼠爲一君特以上五  
篇刺儉下二篇刺貪其事相反故分爲異君要  
之閔公前魏國尙存平桓之世自應有詩不必  
疑其爲晉詩也

十畝之間

水經注

故魏國城南西二面並去大河可二十餘里北去首山十餘里處河山之間土地迫隘故魏風著十畝之詩

呂氏詩記

橫渠指桑地爲塲圃合於古制但又謂魏地侵削外無井受之田徒有近郭園廬而已則似不然果如是民將何所食乎政使周制果家賦園廬十畝魏既削小豈容尙守古制容或數家共之也況詩所謂十畝者特甚言之爾未可以爲定數也

按序云其國削小民無所居夫國削則民去矣  
未有地亡而民存者也且魏雖削小必無一夫  
十畝之理毛鄭泥於小序於理未通故蘇氏朱  
子不從其說而以爲賢者不樂仕於其國之詩  
李迂仲云詩中言其多則曰則百斯男言其少  
則曰周餘黎民靡有子遺言其廣則曰日關國  
百里言其窄則曰誰謂河廣一葦杭之一夫十  
畝亦是此類與呂氏之說相爲發明者也至水

經注舉十畝之詩以明其迫隘亦甚言之詞爾

### 伐檀

漢書王吉曰俗吏得任子弟率多驕矜不通古今至於積功治人無益于民此伐檀所爲作也

文選注張揖曰伐檀之詩歎賢者不遇明王也

薛君韓詩章句何謂素餐素者質也人但有質樸而無治民

之材善惡不言苟欲得祿而已譬如尸焉

蘇氏詩傳伐檀以俟世用置之河干河非用車之處也君

子之處亂世其難合也如檀之於河小人則不然不  
稼穡而得禾矣不狩獵而懸貍矣君子不得其君不  
仕小人則未可以取而取之矣

李黃黃實夫曰君子有其功而無其祿小人有其祿  
而無其功

嚴氏詩按詩序辨此詩專美君子之不素餐序言刺  
詩質疑

貪失其旨矣玩詩胡瞻爾庭有懸貍兮爾者指在位  
貪鄙之人而言詩人美君子之不素餐正以刺在位

之素餐也若但云君子厲志如此則胡瞻爾庭殊無所謂又伐檀是取與之義非必君子直自伐檀註云賦也亦非是

按朱子孟子註云詩魏國風伐檀之篇無功而食祿謂之素餐則亦川序說矣

徐長蘅  
衡記遺

黃帝爲法數有十等及其用也乃有三焉億

北京垓秭穰溝澗正載三等者謂上中下也其下數者十十變之若言十萬曰億十億曰兆十兆曰京也

中數者萬萬變之若言萬萬曰億萬億曰兆萬兆曰  
京也上數者數窮則變若言萬萬曰億億億曰兆兆  
兆曰京也

現  
注

詩云胡取禾三百億兮毛注萬萬曰

億此卽中數也鄭注十萬曰億此卽下數也徐援受  
記云億億曰兆兆兆曰京此卽上數也鄭注以數爲  
多故合而言之上數宏廓世不可用

按賈逵唐固注國語皆以萬萬爲億韋昭楚語  
注云十萬曰億古數也今人乃以萬萬爲億是

中數之說始於秦漢也此詩毛傳萬萬曰億  
箋十萬曰億故孔氏正義謂毛以今數言之  
合古數言之詩內諸言億者毛鄭各從其家

碩鼠

呂氏春秋寧戚飯牛居車下望桓公而悲擊牛角疾歌  
注歌碩鼠也

按三齊記載寧戚歌所謂南山矸白石爛者  
也不識高註以爲碩鼠何據王符潜夫論曰



畝稅而碩鼠作則又似率合魯事爲言矣

李黃集解李迂仲曰毛傳云貫事也鄭箋云我事女三歲

矣古者三年大比民或於是遷徙此說非也豈魏國之民方事君三歲乎或又謂貫當作戶貫之貫如此則民之來親魏國方得三年乎此說亦非也貫習貫之貫也言魏國重欲三歲矣貫習女之虐政未嘗有恩澤也

按朱子集傳貫習也與迂仲說合或曰魯詩貫

作宦國語曰入宦于吳韋昭曰宦爲臣隸也貫  
當卽讀爲宦陸氏釋文徐音官正宦字之誤則  
仍與毛傳據爾雅訓爲事者通義矣

唐

蟋蟀山樞

輔氏詩  
童子問

今我不樂日月其除張而不弛文武不能也

無已太康職思其居弛而不張文武不爲也好樂無  
荒良士瞿瞿一張一弛文武之道也蟋蟀但言不可

言言  
不及時以自樂而遂相戒以爲不已過於樂乎則是  
初未必敢爲樂也故國人又作山有樞之詩以答其  
意而寬其憂然其所謂樂者豈或至於溺情極欲流  
而不反者哉觀於唐風之所謂樂或不及而矢於蹙  
然愈於過而流於奢者多矣

劉氏詩  
傳通釋

必曰蟋蟀在堂而後曰今我不樂則能不遊  
於逸矣既曰今我不樂又曰無已太康則能不淫於  
樂矣曰職思其外則儆戒無虞也好樂無荒則無怠

無荒也以詩人之克勤克儉所憂所思雖無唐虞君  
臣之德業而其發於詩者與伯益告戒之詞同條共  
貫信乎前聖遺風之遠也冠其死矣而衣裳車馬徒  
爲他人之樂是其憂遠及於身後其意欲盡樂於生  
時則雖解前篇深遠之憂而憂反愈深雖答前篇爲  
樂之意而意則愈遽矣

按序云蟋蟀刺晉僖公也儉不中禮故作是詩  
以閔之狄其及時以禮自娛樂也此晉也而謂

之唐本其風俗憂深思遠儉而用禮乃有堯之  
遺風焉山有樞刺晉昭公也不能修道以正其  
國有財不能用有鐘鼓不能以自樂有朝廷不  
能洒掃政荒民散將以危亡四隣謀取其國家  
而不知國人作詩以刺之也毛鄭後說詩家雖  
小有同異而從序者多然亦時有難通處朱子  
於蟋蟀序辨云河東地瘠民貧風俗勤儉乃其  
風土氣習有以使之至今猶然則在三代之時

可知矣序所謂儉不中禮固當有之但所謂刺  
信公者蓋特以謚得之而所謂欲其及時以禮  
自娛樂者又與詩意正相反耳況古今風俗之  
變常由儉以人奢而其變之漸又必由上以及  
下今謂君之儉反過於初而民之俗猶知用禮  
則尤恐其無是理也獨其憂深思遠有堯之遺  
風者爲得之然其所以不謂之晉而謂之唐者  
又初不爲此也於山有樞序辨云此詩蓋答蟋

蟬之意而寬其變非臣子所得施於君父者故  
集傳不從其說而說獨爲盡善輔氏朱子門人  
劉氏學問淵源出於朱子其說詩皆以羽翼集  
傳此二詩發明朱子之旨尤精蓋必如是說而  
後吳季札所謂思深憂遠非令德之後誰能若  
是班孟堅所謂其民有先王遺教思齊魯之中  
念死生之虛者其風俗乃千載如睹焉彼鄭箋  
謂農功畢君可白樂十二月當復命農可耦耕

事謂職思其居爲國中政令以毛傳職思其外  
爲禮樂之外鄭又謂國外至四境謂職思其憂  
爲隣國侵伐之憂與夫以他人是喻爲指桓叔  
謀伐晉者皆泥於序說而不得詩之旨者也○  
詩傳通釋研究義理具有淵源而徵實之學不  
足如注何彼穠矣以齊桓公爲襄公之子註魏  
風以魏爲七國之魏注陟岵謂毛傳先出爾雅  
後出注綢繆謂心宿之象三星鼎立註鹿鳴之



言言二身 卷一  
什謂上下通用止小雅二南其大雅獨爲天子  
之樂註節南山謂家父卽春秋之家父師尹卽  
春秋之尹氏注楚茨誤讀鄭康成玉藻注以楚  
茨謂卽采齊注甫田誤讀毛傳車梁謂卽小戎  
之梁榘注殷武杜撰殷廟之昭穆及祫廟世次  
皆一經指摘無可置辭者宜其爲陳啟源所識  
也

揚之水

許白雲詩集  
傳名物鈔

詩緝子者設言欲叛之人如潘父之徒

君子訓桓叔言今子欲奉此服於桓叔我將從子往  
沃以見之則如何不樂乎訓從之即可免禍而無憂  
也時沃有篡國之謀潘父將爲內應而昭公不知此  
詩正發其謀以警昭公也至于我聞有命又以見禍  
至甚迫而不敢以告人乃反辭以見意若真欲從沃  
則是潘父之黨必不作此以洩其事且自取敗也自  
桓叔至武公屢得志矣而晉人終不服相與攻而去

之其後更六世六七十載迫于王命而後不敢不聽  
在昭公時晉人豈從沃哉若助桓叔而匿其情則此  
詩不作可也

金謝山經

問唐風揚水諸詩序與史記合華谷嚴氏

以爲不然攷之左氏則似華谷之言爲是朱子仍依  
序說蓋華谷後朱子而生未得見其詩緝也先生以  
爲然否密山沃自桓叔至武公祖孫之世竭七十年  
之力而得晉皆由晉之遺臣故老不肯易心故耳是

真陶唐之遺民而文侯乃小主室之餘澤也詩序史  
記之言俱謬今以其曲折次之平王三十二年晉大  
臣潘父弑昭侯迎桓叔桓叔將入晉人攻之桓叔敗  
歸晉人誅潘父立孝侯由是終桓叔之世不得逞此  
一舉也四十七年莊伯弑孝侯晉人不受命逐之而  
立鄂侯是再舉也桓公元年莊伯伐晉而鄂侯敗之  
乘勝追之焚其禾此事不見左傳而史記有之曲沃  
懼而請成是三舉也二年莊伯合鄭邢之師請王旅

以臨晉鄂侯奔隨而晉人立哀侯以拒之是四舉也  
三年晉之九宗五正復逆鄂侯入晉使與哀侯分國  
而治其不忘故君如此十二年陘庭召驟哀侯被俘  
晉人立小子侯以拒之是五舉也十六年曲沃又誘  
小子侯殺之而周敕之晉人以王命立哀侯之弟是  
六舉也於是又拒守二十七年力竭而亡而猶需賂  
取王命以脅之始得從然則以爲將叛而歸者豈其  
然乎當是時曲沃豈無禮至之徒而要之九宗五正

不可以潘父及陘庭之叛者槩而誣之是則華谷之言確然不易者也故近日平湖陸氏曰素衣朱襪從子于沃蓋發潘父輩之陰謀以告其君使得爲防也彼其之子則外之也

按華谷之說發前人所未發許氏宗之至全氏而暢其旨如依序說以爲叛晉而歸沃聖人錄詩以垂教當必不登叛人之詩矣

椒聊

范逸齋  
補傳

以春秋左傳攷之昭公封成師於曲沃乃魯  
惠公之二十四年至魯莊公十六年曲沃伯爲晉侯  
蓋幾七十年詩人於昭公之世已知沃之子孫將有  
晉國非君子知微知彰不能爲此言也

按左傳昭侯立封成師於曲沃師服諫曰吾聞  
國家之立也本大而末小是以能固故天子建  
國諸侯立家今晉甸侯也而建國本既弱矣其  
能久乎序所謂君子者殆卽師服之儔歟申培

詩說係僞書語多附會其以此詩爲師服憂之  
而作則附會之近情者也蓋此詩但言桓叔之  
強而意實憂昭公之失國非師服輩不能有此  
遠慮矣

羔裘

李黃  
集解

李迂仲曰自我人居居毛氏曰自用也居居懷

惡不相親比之貌究究猶居居也其說以爲在位者  
之心既與民異其用使我之民居居然悖惡之色不



與我民相親按爾雅曰居居究究惡也毛說蓋本於此竊嘗疑爾雅之文是亦詩之詁訓也蓋其書出於漢世以居究爲惡未甚顯然明白王氏曰居居者固而不知變究究者窮而不能通其說之鑿尤甚于毛氏張橫渠曰自我人居居自我人而晏安之也自我人究究言得我民而察察作威皆怨其反不恤已也其說益迂曲而難曉蘇曰舍羔則豹無所施無民則君無所託是以羔裘爲喻其說又非也又謂君甚尊

年武公弑晉小子侯明年王命虢仲立緡於晉  
又明年王命虢仲率諸侯伐曲沃是王爲晉而  
有事之明證也晉以此征繼不息民皆失所率  
致曲沃篡晉僖王反受賂命爲諸侯非靡盬而  
何此鵠羽所爲作也顧氏訓靡盬二字似新而  
實確以之解此詩王事靡盬句尤爲近情故錄  
其說而申言之如此

無衣

周學  
紀問

無衣非美晉蓋閔周也自僖王命曲沃伯爲晉  
侯而篡臣無所忌威烈王之命晉大夫襲僖之迹也  
有曲沃之命則有三大夫之命出爾反爾也

橫序云美晉獎奸誨盜非所以爲教朱子辨之  
詳矣至王氏以爲出爾反爾亦大段論其理有  
固然耳何義門乃謂曲沃以庶孽而奸太宗三  
大夫以庶姓賊臣篡竊六百餘年之建國不得  
並論則固無煩如此較量矣且以庶孽而奸大

宗亦豈可謂之非纂耶

有杖之杜

朱子  
集解

此人好賢而恐不足以致之

按序云刺晉武公此詩絕無刺意故朱子以爲  
好賢之詩申培詩說附會以爲晉文好賢國人  
美之而說者遂謂文好賢而失介之推此爲龍  
蛇之怨而誌過綿山餓隱投餐無從詞肯頗合  
然晉雖不乏好賢之主必求其人其事以實之

則反不如從序爲有據矣

葛生

李黃  
巢解

李迂仲曰葛生婦人其情可謂切矣其義可謂

高矣始則謂已之託於夫如葛蒙楚蕪蔓野而乃思  
其夫不在無以爲託而又感角枕之粲錦衾之爛以  
致其情既而又以夏之日冬之夜以致其思造次顛  
沛未嘗少忘於夫其情可謂切矣未乃言百歲之後  
歸于其室其義豈不高乎此正唐國風也如柏舟詩

曰之死矢靡他此詩曰百歲之後歸于其室亦是無  
二心也與柏舟無以異然柏舟乃美共姜齊侯之子  
衛世子之妻誓不再嫁爲能守節至于此婦人居於  
微陋之中乃能如此可謂難能也

按序云國人多喪鄭箋云喪棄亡也孔疏云或  
死行陳或見囚虜是存與亡皆未可知也然就  
詩詞玩之如見節婦誓日之心以爲思生者則  
其情固深以爲悼亡者則其義益烈末云歸于

其居歸于其室居墳墓也室塚壙也蓋明於從  
一而終之道矣或謂角枕錦衾其詞近褻不知  
夫婦之間物在人亡感而思之情之盡也毛鄭  
必曲爲之解曰齋則角枕錦衾夫雖不在不失  
其祭攝主主婦猶自齋而行事以爲齋時見其  
枕衾而思之則又拘矣

采芩

陸農師  
詩說

苦甘者苦苦者對則有時而甘有時而苦也

譏人無所不至或因人之所甘而譖之或因人之所  
苦而譖之或因人之所甘所苦而並譖之

范逸齊補傳

晉獻公好聽譏唯驪姬之事爲最著由詩人

之言攷之正指其事也 善爲譏者始以甘言投之

繼以苦言動之終則甘苦之言並進國語驪姬始請

申生處曲沃重耳處蒲城夷吾處屈奚齊處絳以儆

無辱此以甘言投之也繼以夜半而泣曰申生甚好

仁而強甚寬惠而慈謂君戒於我必亂國無乃行強



於君盍殺我無以一妾亂百姓此以苦言動之也終  
則曰若紂有良子而先喪紂無章其惡而厚其敗鈞  
之死也無必假手於武王君盍老而授之政而行其  
欲乃其釋君此甘苦之言並進也申生亦謂狐突曰  
言之大甘其中必苦譖在中矣君故生心獻公果殺  
申生逐羣公子詩人之言信如著蔡不可忽也

按陸氏說李迂仲以爲穿鑿范氏引仲其說頗  
近事情故錄之玩此詩舍旃舍旃一語最可味

如申生歸胙於公公田姬冀諸宮六日公至毒而獻之夫肉未有有毒而六日不腐者獻公誠姑舍之而徐察之則虛實自見矣漢蓋主上官桀與燕王旦通謀詐令人爲燕王上書言霍光專權自恣疑有非常書奏昭帝曰朕知是書詐也將軍無罪以未能十日而知昭帝察日之久近以知其臣晉獻獨不可察日之久近以知其子乎唐德宗以郾國公主之故欲廢太子而立

舒王李泌爭之且請從容三日究其端緒問一  
日上開延英殿召泌流涕曰非卿切言朕今日  
悔無及矣太子仁孝無他也德宗從容究之以  
自太子無他晉獻獨不可從容究之以自太子  
之無他乎張氏曰舍旃舍旃爲止讒之法信然  
秦

張氏詩  
集傳 伯翳之後子孫當夏商之間或在中國或在

夷狄商之衰也中滿居西戎以保西垂六世孫火維

生成及非子孝王邑非子於秦至宣王時犬戎滅成  
之族宣王命秦仲爲大夫誅西戎不克見殺平王東  
遷秦仲之孫襄公興兵救周平王賜之岐豐之田列  
爲諸侯後二十九世而并諸侯有天下

朱氏詩解  
顧總論

案成與非子本兄弟也成之族旣爲犬戎  
所滅而非子之孫秦仲復敗死於西戎則二戎者固  
秦世讎也及幽王爲西戎犬戎所殺則二戎又豈非  
周之世讎歟使平王而有志者則於襄公之封宜策

命之曰戎爲不道爲封豕長蛇以薦食中國爾祖秦仲旣被其害矣今又弑我先王是用痛心疾首夙夜不忘今予命爾侯於西土蕃屏王室爾其糾合侯伯統率師徒爲予一人討之苟捷有功則圭瓚之錫土川之賜予豈汝愛若是則王轍可以不東戎難可以必除而先王之讐亦可以少報矣旣不能然乃曰能逐犬戎卽有岐豐之地夫岐豐之地興王之地也不惟其土地人民之不可棄抑先王之墳墓在焉宗廟

在壽宮室之美官府之富皆在焉如之何其可委之  
而去也且先王之封國有常制矣八百里之地封方  
百里者八以開方計之則又不止於是矣而一旦舉  
而畀之秦繆曰其地已爲犬戎所侵今其自取然秦  
能取之王獨不能率諸侯以取之乎王而少有越勾  
踐之志則必不若是忍矣故嘗謂平王之東也忘先  
王之讐而不報棄先王之土地人民而不恤舍先王  
之宗廟墳墓而不顧隳先王之典章法度而不守卒

使興王八百里之地悉歸於秦則秦之代興不待他日而其兆已見於此矣可勝嘆哉

按朱子集傳云雍州土厚水深其民厚重質直無鄆衛驕情浮靡之習以善導之則易興起而篤於仁義以猛驅之則其強毅果敢之質亦是

以勇戰力農而成富強之業今觀小戎無衣諸詩其義勇之氣見於辭色雖婦人女子皆知敵愾而無怨心用能報讎復恥以基霸業而王天

下想其所以作新之者亦必有道視平王忘殺  
父之讐一旅莫問殆不可以同年語聖人之錄  
秦風蓋知周之將亡而秦之將王矣

兼葭

胡氏  
詩說

此詩毛氏謂刺襄公能用周禮則可以固國如

兼葭得霜露則可用諸家皆因之至伊人鄭氏以爲  
知周禮之賢人乃在大水一邊蓋言其遠也欲求而  
用之陳氏歐陽氏謂伊人斥襄公所以未能用周禮



者疑其迂耳故詩人諷之以禮甚易且近特人求之  
非其道耳此皆序說愈巧而愈鑿如此

按朱子謂序近於鑿胡氏學宗朱子故其說如  
此朱克升詩經疏義曰秦無尊賢好德之風又  
無男女淫奔豈朋友相念而作歟此與朱子集  
傳說同蔣仁叔五經齋測以爲賢人求道歌咏  
性情之作則太迂濶矣

鄭氏毛

詩原解

周自文武至宣幽國於岐豐民習禮教數百

年矣平王東遷秦據其地攻戰爲車刑殺爲威其民  
追思太和景象東整河洛有游從宛在之思而秦又  
以法束縛之所以有阻長之慨序謂將無以固其國  
者此也

按朱竹垞經義攷李氏子德說大旨謂秦之封  
域本周之舊都周家積德累仁流風餘俗宜有  
存者何至一變而爲車轆駟騷諸詩及讀兼葭  
三章乃知周之遺民不忘故主思平王之在洛

所謂在水一方溯洄溯游者蓋指洛陽而言也  
意亦本之郝氏第如此說則不得謂作於襄公  
之世矣鄭箋云秦處周之舊土其人被周德教  
日久襄公新爲諸侯未習周之禮法故國人未  
服歐陽本義據史記辨之謂自西戎侵奪岐豐  
周遂東遷雖以岐豐賜秦使自攻取而終襄公  
之世不能取之但嘗一以兵至岐而卒至文公  
立十六年始遂戎而取岐豐之地詩人作蒹葭

之時秦猶未得周地也郝氏李氏以此詩爲處  
周土之遺民所作則於序所云刺襄公者自不  
得合爲一說然議論精闢視前人從序推行者  
義較穩適故並錄之

終南序云戒襄公也能取周地始爲諸侯受顯服大

夫美之故作是詩以勸戒之鄭箋因此遂謂秦處周之舊土其實襄公未取周地也范氏補傳云襄公雖未能自取周地既有王命與秦之大夫以王命爲重故併受顯服而美之未免曲徇序說矣

晨風

呂氏讀  
詩記

憂心欽欽康公初立想望賢者如是之切也

忘我實多責其不能終也 秦之寡恩於晨風權輿

見之

按毛鄭泥序忘穆公之業一語遂以上四句爲

穆公好賢下二句爲穆公責康公意皆衍說也

呂氏但主康公說便覺直捷序說固自不誣朱

子集傳云此婦人以夫不在而言與晨風之歌

同意蓋秦俗也然詞肯與夏屋較合是亦賢者

有始無終之作

嚴思卷曰我  
我賢者也

無衣

許氏詩  
集傳

此蓋天子命襄公討西戎時詩西戎乃秦人

不共戴天之讐而又有王命興師是以同心疾之謳  
吟思鬪雖其風俗所致然以義動者人樂爲之死亦  
必然之理也

謝氏  
詩記

驪山之禍中國之大恥周家萬世不共之讎也

讀文侯之命平王君臣已無復讎之志矣無衣一詩

言言二一  
獨稱王于興師凜然有奉天討申大義之意此十三  
國風之所僅見者乃知岐豐之地被文王之化最深  
雖世已屢降而忠君親上之澤猶未衰也

按序云刺用兵也秦人刺其君好攻戰亟用兵  
而不與民同欲焉鄭箋云此責康公之言也孔  
氏正義云康公以文七年立十八年卒春秋文  
七年晉人秦人戰于介狐十年秦伯伐晉十二  
年晉人秦人戰于河曲十六年楚人秦人滅庸

是其好攻戰也故後之宗序者皆以爲康公時  
詩然此詩全無刺意玩王于興師一語大義凜  
然其上下一體之意千載如見許氏定爲王命  
襄公討西戎詩得之金仁山據秦紀云西戎殺  
秦仲秦仲有子五人其長者曰莊公周宣王召  
莊公兄弟五人與兵七千使伐西戎破之遂編  
次此詩屬之莊公何氏楷世本從之謂七千之  
士從征在行者自相告語云爾然此乃王爲秦



興師非秦奉王命興師也蓋秦奉王命以興師者二襄公之於平王穆公之於襄王是也而要  
以襄公之功爲大犬戎弑幽王襄公將兵救周  
力戰敗之復以兵送平王徙洛故其民激於公  
義詞旨慷慨如此乃主夫之詩經裨疏又謂無  
衣作於秦哀公指楚之僭號以釋王字義似可  
通然左傳謂申包胥如秦乞師依庭牆而哭日  
夜不絕聲勺飲不入口七日秦哀公爲之賦無

衣夫列國賦詩者多矣皆非其人臨時之作安得以此屬之哀公哉

權輿

毛傳夏大也

鄭箋屋具也渠渠猶勤勤也言君始于我厚設禮食大具以食我其意勤勤然

孔氏正義屋具釋言文崔駰七依說宮室之美云夏屋渠

渠王肅云屋則立之於先君食則受之於今君故居

大屋而食無餘義似可通鄭不然者詩刺有始無終  
上言於我乎謂始時也下言今也謂其終時也始則  
大具今則無餘猶下章始則四簋今則不飽皆說飲  
食之事不得言屋宅也若先君爲立大屋今君每食  
無餘則康公本自無始何責其無終也

按范氏補傳云此詩始終言飲食夏屋渠渠謂  
康公始待賢者爲具之盛有如夏屋渠渠高廣  
貌春秋左傳謂有酒如澠有肉如陵有酒如澠

有肉如坻背人尙以山川比飲食則况以夏屋  
不爲過也此輩鄭箋而畧變其說然後儒從王  
肅注以爲大屋者多嚴氏讀詩質疑云楚辭大  
招夏屋唐大少堂秀只是夏屋固大屋也

詩說考畧卷七終